

賴久太郎著

日本政記

七

和書

一〇三九二號

和書門類

一〇三九二號

函架冊

八冊

内閣文庫		
番號	和	10392
冊數		8 (7)
函號	139	170



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM, Kodak



糊などで貼り付けられている部分がめくれない箇所あり
綴じ部(喉部分)の文字など開きが不鮮明な箇所あり

日本政記卷之十三

賴襄子成 著

後村上諱義長。後醍醐第八子。母新待賢門院藤原氏。右中將公。天皇

廉女。在位三十年。改元二。曰興國。正平。崩。壽四十一。葬觀心寺。

冬十月。天皇即位于吉野行宮。時年十二。權大


納言藤原實世。權中納言藤原隆資輔政。

興國元年。庚辰。北朝。曆應三年。春三月。以新田義助為

刑部卿。赴伊豫。總督西國軍事。先是。新田義貞

之歿事也。義助還越前府城。糾合義故。攻足羽。

日本政記 卷之十三 後村上 賴襄子成 著



日本正言 卷之二十三 東上 罪片

走足利高經已而京師援軍至高經復振義助

大敗走美濃遂請吉野詔勞獎之進官爵會伊豫

官軍請將師救遣義助夏五月義助病卒諸

城皆復為賊有

三年壬午。北朝。康永元年。夏六月准大臣源親房保常

陸小田城賊將高師冬攻之親房擊卻之冬

十一月小田治久翻城降賊親房走保關城

四年癸未。北朝。康永二年。師冬攻關城益急親房乞救

於結城親朝親朝宗廣子也通款賊不肯出兵

親房貽書讓以大義曰方今東國為官軍守者

下妻真壁中郡西明寺伊佐與關城而已然得

足下來援則伊達以西必有響應者而足下坐

失機會洵為可惜夫我邦神聖承統苟謀反逆

者無能保首領尊氏何為者盜據中原使家奴

師直輩凌蔑世家罪浮前日之高時所謂世家

本皆王臣保平以還降隸源平承久以後又殺

屬陪臣觀乃家譜豈不愧心方今中興朝爵復

故志士盡忠之秋也公家鎮守府將軍門閥勲

後村 貞氏 載 坂

名。豈出源平下。是以乃父上野公朝臣圖恢復。
 振家聲。乃弟又以死戰著名。足下為家嗣。宜繼
 前志。耀後昆。坐觀成敗。如祖考何。僕先朝遺老。
 辱受顧命。據孤城以控八州。恐一旦隕命。四方
 解體。且賤息出鎮三年。獨立無援。衆情危疑。方
 今父子之命繫於足下。足下實有異圖。則已荷
 欲報祖先。豈不勉力。非敢愛餘命也。唯為天下
 言耳。親朝辭以兵寡。尋叛降賊。親房遣使命顯
 信來救。亦為親朝所沮。不果來。親房不能守歸。

正平二年。丁亥。北朝貞和三年。秋九月。河內守楠正行

舉兵謀復京師。與賊將細川顯氏戰于譽田

林。破之。冬十一月。與山名時氏戰于瓜生野

破之。足利尊氏令高師直師泰將兵八萬來擊

三年。戊子。北朝貞和四年。春正月。正行及弟正時與師

直戰于四條。斃死之。師直遂犯行宮。帝幸宍生

楠。正儀拒高師泰于石河。冬十月。北朝主禪

位於從子興仁。是為崇光院。花崩是歲。法皇

北朝葬花園天皇。

四年。已丑。北朝崇光帝貞和五年。先是北朝拜尊氏為征夷

大將軍。弟直義為副將軍。稱曰兩御所。足利氏

初擁立光明帝。陽尊之。每事奏聞。及官軍諸將

相尋戰沒。大得其志。不復稟敬。肆割膏腴。賞功

臣。或奪公卿食邑。雖供御闕乏。不顧。至朝官或

學東人語。以免其侮辱。土岐賴遠嘗途遇光嚴

上皇。不下馬。前驅呵曰。院也。賴遠曰。院耶。犬耶。

犬則應射之。令環射乘輿。折輓截輻去。直義論

罪。賴遠伏誅。武人相謂曰。院且下之。即遇將軍。

將手行邪。高師直以尤多軍功。為尊氏信任。為

幕府執事。專恣無忌。至踏臨治。高貞而奪其妻。

弟師泰亦專橫。至發菅原氏墳墓。以營別莊。尊

氏不罪。師直與直義相軋。土杉重能。畠山直宗

亦疾師直。乃附直義。結直義所善僧妙吉。勸除

二高。直義然之。直義嘗養尊氏庶長子直冬。出

為中國彈代。以為外援。秋八月。直義伏兵。召

師直。兵有為師直耳目者。因知其謀。脫歸。召師

泰於石川。直義使人要說。援已。事成。代兄執事。

師泰咲不肯與師直合兵數萬入京師圍幕府
請斥直義及重能直宗尊氏慰喻聽其請直義
薙髮屏居錦小路放重能直宗於越前師直使
人潛殺之尊氏召義詮於鎌倉代執政以其弟
基氏代鎮鎌倉高師冬上杉憲顯為執事

五年庚寅北朝觀應元年夏六月足利直冬叛其父尊
氏起兵冬十月尊氏與高師直等討之十二
月足利直義上書行在請歸順許之命討尊氏
時師直欲擊直冬慮直義圖後欲殺之而行直

義奔大和請歸順下公卿議大納言實世曰致
先帝播越王室艱難者皆由此豎子今窮迫來
降非其本心宜斬之左大臣藤原師基准大臣
源親房等以為得大援興復可期乃納其降詔
圖北伐石堂義房畠山國清桃井直常等皆以
惡師直附直義

六年辛卯北朝觀應二年春正月足利直義進據男山
桃井直常據叡山夾攻京師足利義詮西奔與
尊氏及高師直合兵而還既而尊氏與師直奔



播磨義詮奔丹波。二月尊氏與直義戰御影濱大敗保松岡與直義和還京師師直師泰出降為上杉顯能所殺上杉憲顯攻殺高師冬鎌倉尊氏以仁木賴章為執事。秋尊氏與直義外和而內不諧直義欲廢義詮已復執政尊氏勉從之石堂義房桃井直常等恃勢橫恣仁木賴章細川賴春等疾之冬引還國義房直常亦不自安奉直義北歸與尊氏相拒近江敗而東奔尊氏欲追擊恐官軍乘虛佯乞歸順帝亦佯

許之。冬尊氏東伐與直義戰于薩陞敗而降之攜至鎌倉明年藥殺之。尊氏令義詮遣使行宮請降許之義詮廢崇光帝奉正平號欲迎車駕救以方忌待明年復闕。

賴襄曰足利尊氏之有直義猶趙匡胤之有匡義也匡胤篡有周室由出征握兵反劫其君尊氏受東伐之命因得煽兵犯闕其事勢一也而匡胤之謀決於匡義尊氏之逆成於直義尊氏之才不及匡胤之什一而其所犯



者後醍醐與恭帝隔如天地。是以不能速取之。而累其逆節。繫直義所贊焉。其有功於已如此。尊氏之始決反於關東也。有家國之事。一委直義之語。自是政事繫此自出。蓋以其事成否不可知。故併禍福任之也。已而其事稍成。轉禍爲福。則忌之之意生焉。尊氏爲大將軍。稱直義爲副。隱然如儲貳。然而義詮出在鎌倉。是匡義代立德昭不得立之勢也。使尊氏不幸早死。則直義爲匡義之所爲無疑。

矣。則烏得不忌乎。是以寵任高師直以分其權。聽其專擅而莫之禁。是直義所以與師直相惡。匡胤友於匡義。故無敢離間之者。使其不友。則如趙普者。必勸匡胤除之。師直雖專擅。非知尊氏之忌之。安敢公然以兵劫而廢之。而尊氏亦許而不罪乎。故直義出奔乞降南朝。懼尊氏意在必殺也。非獨懼師直也。夫師直以兵劫而廢直義。直義又以兵劫而除師直。而尊氏不罪彼而咎此。其意思乎。此故

也。尊氏初廢直義，乃召義詮代之。又封基氏於關東，然後尊氏之志成矣。而直義劫制尊氏，再執政權，亦恃大謀之成於已也。是以尊氏亦勉從之，而其忌益甚，固其宜也。直義之東奔，尊氏所大懼，懼其據根本，自為其嘗所以贊已者也。是以親往，親往則不得，不和南朝。至廢其所立，迎駕返闕，其大懼也。可以見焉。而以直義之狡黠，而終不得志於關東，輒被執殺，何哉？不特以弟敵兄，眾情不附，亦罪

逆之所由先受天誅也。抑以基氏在焉，而尊氏來擊之，其勢易辨也。夫尊氏之犯君，猶弟制於其臣，不復論可也。至建親藩，其計之得者矣。假令尊氏早死，未必至如匡胤之子悉魚肉於弟手也。其後京師雖多外患，內變賴關東之維持，終得以濟。尊氏之所措畫，可謂善慮國家矣。匡胤務削將帥兵權，而宗室無尺土之封，內自削弱，既不救於家禍，又失於國計，是以不能併燕雲，而貽靖康之禍。履保

江南不若足利氏之能吞南朝全制海內也。由此言之。雖曰尊氏勝匡胤可也。雖然。足利氏將帥驕蹇。叛服無常。不獨師直也。宋豈有此乎。此由樹兵與不樹也。則時勢之異。然焉爾歟。曰不特然也。匡胤嘗論唐莊宗曰。二十年夾河百戰。不能以軍法約束諸將。直兒戲耳。吾雖愛養將帥。苟不用我命。有劍而已。使匡胤自足利氏得不亦謂之兒戲哉。而宋自匡義而後。威刑不復振。足利氏得義滿。能繩以法。果非兒戲也。



日本政記 卷之三十一 加 賴氏 藤原

七年。壬辰。北朝後光嚴帝文和元年。春正月。足利義詮獻金

及馬。二年。車駕發行宮。使兒島高德奉密旨。

赴東國。發新田氏兵。伐尊氏於鎌倉。閏月。車駕

至男山。楠正儀和田正忠等以河內紀伊兵。北

島顯能以伊勢兵皆會。義詮令細川顯氏賴春

拒之。正儀等擊敗顯氏。獲賴春。走義詮於近江。

官軍入京師。收廢帝廢太子及光嚴光明二上

皇。載之一車。送行在幽之宍生。新田義宗義

興義治等與尊氏戰武藏。破之。襲基氏鎌倉。走

日本政記 卷之三十一 賴氏 藤原

之。義宗奉征東將軍宗良親王與尊氏戰碓氷嶺。敗走越後。京畿將士多附義詮。三月。義詮據東山。官軍不利。退保男山。義詮復入京師。夏五月。正儀正忠等還河內募兵。正忠病卒。正儀水至。北軍急攻男山。帝親擐甲御馬衝圍南出。權大納言藤原隆資死之。左兵衛督藤原康長力戰。帝達行宮。宗良親王與新田義宗桃井吉良石堂等自東北。土居得能氏自西南共赴難。聞男山不守。皆途還。

漢劉璋患寇。迎劉備於蜀。其諸臣欲戴備來說襲取蜀。備曰。今世與吾爲水火者。曹操也。操以暴。吾以仁。操以譎。吾以忠。每事與之。友乃可成業。今以小利失信義於天下。奈何。然諸葛亮素策取益州。龐統等又勸備。備遂取蜀。宋蘇軾論之。歸咎於亮曰。曹劉不敵。天下所知。兵不若曹多。地不若曹廣。所持以勝之。以區區忠義。有激天下之心。雖無措足之地。天下爲之用。今璋以好逆之。乃扼吭拊背。而

奪之國。與操異者幾希。既失天下義士之心。而北向長驅。欲四方響應。難矣。賴襄曰。嗚呼。是可以論正平之事矣。足利尊氏雖不及曹操之能。其以譎詐馳驟一時。地廣兵多。什倍南朝。南朝恃仗其信義。與之相形。庶幾可匡復耳。尊氏有事關東。而慮於我。來講和。廢其所立。用我年號。請乘輿復闕。雖非出實情。而見其跡。亦以好逆也。奈何佯許而遂襲之。爲所謂扼吭拊背之計。囚執同姓。以爲功乎。曰。

知尊氏之詐也。曰。彼以詐我。亦以詐可乎。苟知其詐。勿許可也。許而襲之。曲在於我。師壯於直。而老於曲。宜其一勝而終敗也。劉備唯無措足之地。故不能不取益州。論者猶非之。南朝既有和紀河泉之地。其險沃彷彿蜀漢。而藩服忠義東西應援。何必取一彈丸之平安。以失信義於天下。自弃其所恃以勝賊者。恢復之無成果。誰罪歟。不寧唯此。前焉納直義之降。佐之以攻其兄。後焉許直冬之請。驅

之以攻其父時氏清之屬皆彼之叛臣來
輒受之傲之北向蓋天下望南朝爲逋逃淵
藪其詭譎不正不知與足利氏孰伯仲也而
何以激天下之心乎曰雖然蘇軾之論又有
言曰曹氏父子兄弟有可問之勢使其大臣
骨肉內自相殘然後舉兵伐之孔明旣不能
全其信義又不能奮其智謀故屢戰而屢却
爲失機也夫南朝非亦乘其機而奮其謀也
耶襄曰不然彼謂間而後伐之耳足利氏大

臣骨肉旣內自相殘矣不待吾問之而然也
則吾整我堂堂之義旅伐之可矣何必助其
子弟攻其父兄乎當時源親房稱爲賢相或
比之諸葛亮者而又贊其謀焉親房嘗論保
平之亂父子兄弟之相攻曰名教之斃亂所
以不已也今自斃名教以開亂源何哉

日本後記 卷之三十三 賴氏義取

秋八月。足利義詮立彌仁親王稱帝。是為後光嚴。初後醍醐帝以偽器授光明帝。及亂又亡。衆議無神器。不可踐祚。關白藤原良基曰。尊氏劍也。良基璽也。何不可遂立之。九月。山名時氏歸順。

八年。癸巳。北朝。文和二年。夏六月。詔遣左馬頭楠正儀

等。助時氏攻京師。足利義詮奉新主。走近江。

秋。尊氏西歸。與義詮合兵。復入京師。時氏走。初

佐佐木道譽世領近江。助尊氏逆。又以近江。數

日本外傳 卷之十三 十四 藤原氏藏

救義詮。義詮甚寵之。專權。男山之役。時氏子師。義最有功。因要賞。欲得已若狹。數造道譽。道譽方宴。埃至日暮。怒曰。吾得邑。何必待汝輩哉。遂父子來降。請北伐。事不成。走歸其國。

九年。甲午。北朝。文和三年。夏四月。准大臣源親房薨。親

房具平親王後。大納言師重子。家稱北畠。以博洽聞。嘗讀司馬光通鑑有感。著神皇正統紀。三子顯家。顯信。顯能。並勤王事。顯能孫世領伊勢。每屬官軍。先是。足利直冬遣人行宮乞降。請

攻京師。許之。賜號總追捕使。冬十一月。山名時氏。桃井直常。足利高經等。並應之。奉之為主。再攻京師。義詮出拒播磨。直冬進至丹波。尊氏走近江。

十年。乙未。北朝。文和四年。春正月。直冬等入京師。二

月。敕遣大納言藤原隆俊等。助直冬。據男山。尊氏以近江兵據叡山。細川賴之舉南海兵。援義詮。東上。官軍及時氏逆擊之。神南山敗績。三月。官軍及直冬與尊氏戰京師。敗。退保男山。義詮

日本外傳 卷之十三 十四 藤原氏藏

日本書紀卷之十三 賴朝

絕直冬糧道直冬時氏直常高經等各引還尊

氏義詮復入京師。秋八月。征東將軍宗良親

王起兵信濃。諏訪其仁科其等應之。

十一年丙申。北朝春正月。足利高經降。足利

尊氏。

十二年丁酉。北朝春正月。還光嚴崇光二主

及直仁親王。先是已還廢帝。

十三年戊戌。北朝夏四月。足利尊氏平。義詮

嗣。秋。左兵衛督新田義興募兵武藏上野。足

利基氏將畠山國清使人誘殺之。

十四年己亥。北朝肥後守菊池武光奉征西

將軍懷良親王與賊將少貳賴尙戰于筑後河

大破之。初菊池武時勤王子武重又奉懷良親

王。數與大友氏時少貳賴尙等戰。武重卒。弟武

光嗣。攻足利氏筑紫彈代一色直氏走之。氏時

賴尙望風降。是歲春。討畠山國久於日向。走之。

氏時賴尙叛作九寨。絕其歸路。武光返擊。悉拔

九寨。秋八月。與賴尙大戰于大原。破之。賴尙

賴朝

走保寶滿岳。中納言北島顯信等戰沒。冬十月。賊將島山國清大舉關東兵六萬西上。與足利義詮合犯行宮。

十五年。庚子。北朝。延文五年。春正月。左馬頭楠正儀請帝幸觀

心寺。自據赤坂。修平岩八尾等砦守之。大納言藤

原隆俊守龍門砦。夏四月。賊將島山義深攻龍

門。隆俊擊破之。救興良親王。率吉野兵。赤松氏範

援之。興良叛通賊。火穴生行宮。龍門陷。帝遣前關

白師基討之。興良敗走南都。興良故兵部卿護良

子。氏範則祐子。閏月。諸砦皆陷。五月。賊合

攻赤坂。和田正武夜斫賊營。不利。退保金剛山。

賊軍引還。秋七月。正儀等出兵攝津。島山國

清來拒之。官軍又退入山。賊亦還。兵初尊氏死。

有流言。基氏通行宮。圖義詮。國清因請自將。南

犯。以解嫌疑。其實欲已收兵權。儕輩皆疾之。正

儀知之。建言。北軍不足惧。是時。仁水賴章已死。

弟義長為執事。與佐佐木道譽。細川清氏等相

軋。道譽因結國清除之。國清亦疾義長專擅。証其

日本書紀 卷之十三 領氏 領氏 領氏

通南朝遂還兵攻之。義長言於義詮曰：諸將以臣為名，以作亂也。義詮然之，因以義長兵自衛。道譽夜入見義詮，勸其逃觀變，乃出與義長晤語。義詮出自後門奔嵯峨，比曉覺之，眾潰。義長走伊勢，諸將奉義詮還。義長降行宮。八月，官軍競起，北軍歸咎國清。國清時以狐皮蔽膝，時人為之作狐媚歌，唱者滿衢。國清惧，逃東歸。後基氏逐之，用上杉憲顯為執事。

十六年辛丑比朝秋九月，楠正儀和田正武

出兵攝津，與佐佐水秀詮氏戰，斬之。秀詮比詮並道譽孫，先是道譽奪赤松光範攝津，守護使二孫守焉。至是並敗死。冬十月，細川清氏歸順，先是清氏代義長執事。道譽又忌害之，激之使反，又譖其有異圖。義詮信之，出居外，召兵自備。清氏使人自辨，不聽，乃走若狹。從討之，清氏遂南走。奏曰：足利氏兵西拒，時氏東備，義長臣請乘其空虛，京師可復。楠正儀曰：元弘以來，官軍五復京而不能守，力不繼也。今欲取京師，



臣一人力可辨。不必待清氏。唯恐已取復失。耻之強戰。併我所有。失之宜養。威力徐圖。匡復朝議不聽。十一月。敕正儀等。大舉助清氏。攻京師。十二月。義詮奉北帝奔近江。官軍焚諸第。道譽之走。戒守者具酒食犒師。正儀報以甲馬。禁焚掠。已而時氏義長東西皆敗。義詮還兵。令赤松氏範直侵行宮。官軍留京師十九日。乃還。清氏走阿波。

十七年。壬寅。北朝貞治元年。春。細川清氏據白峰。徇四

國。夏。山名時氏略地美作。遣兵徇三備。足利直冬以石見兵助之。時氏子師義略丹波。但馬。秋。足利義詮遣細川賴之圖清氏。賴之守備未全。說以禍福。往復間。備成。乃絕之。挑戰。誘出斬清氏。自是細川氏山名氏始大。九月。菊池武光討足利氏。彈代足利氏經。氏經敗逃還。十九年。甲辰。北朝貞治三年。秋。北朝光嚴上皇崩。是歲。大內弘世以周防長門附義詮。因授二州守護。尋益以石見。山名時氏降義詮。請因領所略

日本女史記卷之三十三 貞治三年

地。義詮許之。以時氏為因幡伯耆丹波美作五州守護。仁本義良石堂賴房等皆降義詮。

二十一年。丙午。北朝。貞治五年。足利義詮逐其執事足

利義將。義將高經子也。初高經子氏賴娶佐佐

木道譽女。細川清氏之叛。氏賴冀為執事。而高

經以後妻故愛義將。薦為執事。以其年少。已代

決事。高經有宿望。世望治績。而高經為政嚴刻。

諸守護舊賦五十分一。更取二十分一。嘗宴諸

將。道譽不會。而自張妓樂。高經呵之。會道譽欠

賦二歲。因罰之。奪其攝津守護。義詮造別第萬

里巷。徵役諸國。赤松則祐坐功綏。亦削邑。則祐

道譽婿也。道譽課京師戶租。修五條橋。過期不

成。高經出私財。不日成之。於是道譽與則祐及

佐佐木氏賴譖高經於義詮。義詮密使氏賴徵

兵近江。欲討高經。高經聞之。入見泣曰。老臣果

有罪。一介賜死可。何煩徵兵。臣以不才。忘私利

公。謗讟所叢。不敢愛餘年。唯恐將軍得殺耆舊

名耳。義詮亦揮淚。久之。辭出。義詮呼曰。眾怒難

日本政訓 卷之十三 十一

日本書紀卷之十三 賴氏崩

犯卿且就國高經以義將北歸遣兵攻之已而高經病卒道譽多機智善逢迎自高師直後獨錮權寵家極豪侈陷四執事蓋謂義長清氏高經義將也而巳每解脫義詮欲以為執事及義詮病基氏別有所薦乃止

二十二年丁未。北朝。貞治六年。夏四月足利基氏卒子

氏滿嗣為關東管領冬十二月北朝將軍足

利義詮卒子義滿嗣以細川賴之為管領輔之

先是足利基氏薦賴之義詮臨終謂義滿曰與

汝一父又謂賴之曰付卿一子賴之竭心輔導

撰方正兼文武者充左右置髡者六人以為弄

客將士有僂佞者目為毛童坊斬辱之於是士

風大革

二十三年戊申。北朝。應安元年。春三月天皇崩于住吉

殿葬後村上天皇

長慶天皇諱寬成。後村上長子。所出不詳。在位五年。改元二。曰建德。文中。

禪位皇太弟。壽及葬地闕。

天皇即位于行宮立皇弟熙成親王為皇太弟

日本書紀卷之十三 賴氏崩

日本政記卷之十三
秋七月左近衛少將新田義宗式部大輔脇
屋義治起兵越後上野與上杉憲將戰不克死
之義治奔出羽。

二十四年巳酉。北朝。應安二年。春正月楠正儀叛降北

朝。三月楠氏族攻正儀。

建德元年庚戌。北朝。應安三年。春正月脇屋義治出兵

武藏上野與上杉朝房等戰不克奔信濃。冬

十一月和田正武等討楠正儀攻其城。

二年辛亥。北朝。應安四年。春二月北朝上禪位於太子

緒仁是為後圓融院。秋八月細川賴之遣其

義子賴元援楠正儀入寇。

文中元年壬子。北朝後圓融帝。應安五年。春二月足利氏筑

紫彈代今川貞世與大內義弘合兵攻肥後守

菊池武政武政奉征西將軍懷良親王逆戰敗

之。武政武光子也。

二年癸丑。北朝。應安六年。秋八月天皇禪位於皇太弟

日本政記卷之十三

日本政記卷之十四

賴襲子成 著

後龜山天皇 諱熙成。後村上第二子。長慶

十年。改元。後三。曰天授。弘和。元中。禪位。

天皇即位于天野行宮。賊將細川氏春來犯。大

納言藤原隆俊屯兵天野。夜襲敵營。不克。久之。

上移蹕吉野山中。

天授元年。乙卯。北朝。永和元年。秋八月。少貳冬。資應。菊

池武朝與今川貞世戰。敗。武朝。武政子。先是。

日本政記 卷之十四 後龜山 一 賴氏藏版

武政卒。武朝嗣為肥後守。

二年。丙辰。北朝。秋七月。足利直冬降北朝。卒。

三年。丁巳。北朝。秋八月。菊池武朝奉征西將

軍懷良親王與大內義弘戰。敗績。菊池氏族百

餘人歿之。是歲高麗遣其使鄭夢周來。先是

我西邊不逞者。數侵高麗。高麗使來。見今川貞

世。請禁之。

四年。戊午。北朝。秋九月。菊池武朝奉征西將

軍懷良親王與今川貞世戰。託麻原。破之。

五年。己未。北朝。春。山名義理。山名氏清入寇。

陷土丸。藤波石垣三城。足利義滿出軍。東大寺。

徵近江美濃兵。美濃土岐康行反。義滿。義滿召

兵鎌倉討之。鎌倉執事上杉憲顯既卒。子憲春

繼為執事。遣弟憲房將兵西。會康行降而止。義

滿既壯。不聽賴之。政稍縱恣。失人心。氏滿因潛

蓄異志。事覺。義滿乃止南行。以書讓憲春。憲春

諫。氏滿弗聽。憲春憂惧自殺。氏滿驚悔。乃以憲

春

日本文記 卷之十四 二 賴氏載取

房執事。冬十一月。細川賴之寇伊豫。河野通直戰死。先是。義滿役諸將。大營室町第。稱花御所。驕奢太甚。賴之諫。弗聽。相嫌隙。近臣從而譖之。是歲夏。義滿聚兵幕府。遣使罷賴之職。就國。賴之聞命。卽日上途。其弟業氏勸其舉族訴。屈不聽。則遂圖廢立。賴之不許。乃赴其國。讚岐。已而義滿思其功。命總管南海。

六年。庚申。北朝。康曆二年。夏五月。小山義政起兵下野。

與宇都官基綱戰破之。六月。北朝光明上皇

崩。

弘和元年。辛酉。北朝。永德元年。楠正儀歸順。

楠正成與子正行。並盡忠王室。身殉國難。而正行之弟正儀。繼任大將。終叛降於賊。辱其家聲而不耻。幾乎無人心者矣。中興諸將。忠義無出楠氏右者。諸將子孫。未有降賊者。而楠氏如此。且諸將散處東西。為聲援而已。藉使叛降。未必切行官利害。楠氏世為南朝藩屏。南朝得以抗強大之賊。咫尺間而不亡。五

日本後記 卷之十四 賴氏義政

十年者以楠氏在焉。一日無楠氏是無南朝也。正儀爲上室之倚賴如此。而舍而降賊。與其臣僕比肩而不耻。孰謂正成之子正行之弟。而有此禽獸耶。爲楠氏惜者。謂之虛傳矣。然北朝志乘。顯然載其年月。不可滅也。且其族不義之而攻之。北朝爲出援軍。與王師戰。其跡亦不可掩也。賴襄曰。吾嘗紀楠氏之事。徵之南朝舊志。而散亡不詳。故不敢斷其虛實。曰。正儀蓋有深謀焉而已。已而反覆考之。

雖未能覈其實。如有差得其情焉。何以得其情。曰。亦因其跡與年月得之也。後村上之正平廿三年。帝崩。長慶帝卽位。先是一歲。北朝以足利義滿爲將軍。細川賴之輔焉。後一歲。正月。正儀降。先見賴之。遂見義滿。其三月。和田氏族攻正儀。自是連年攻討。賴之請救之。諸將不肯。賴之耻其言不行。欲辭其職。乃發兵。而以其子弟爲將。後戰鬪之事。無所見者。十二歲。及後龜山之天授弘和間。賴之遭讒。

見斥而山名氏入寇連陷河紀諸城而正儀
歸順與山名氏戰敗績於是南國之屬行宮
者獨存吉野而已後又十年所正儀蓋既沒
而賴之再任職乃誅滅山名氏間歲而南北
之和成矣初正儀數受命攻京師細川清氏
之降行宮請攻京師也正儀以爲不可曰取
京師臣一人力可辦何借清氏唯恐既取復
失耻之強戰併我所有失之宜養威力徐圖
匡復是可以知正儀之本意矣而賴之亦有
弭兵之志以爲南人所以能數來者賴於推
氏欲除南患莫若和楠氏是以百方就議和
焉而正儀之意與之克合是時長慶新卽位
銳意用武敕東西諸將一時並起蓋圖京師
如正平例而正儀仍執前議是以帝怒令其
宗族攻之故正儀不能自立姑爲此權時之
計耳其意如曰今而與北戰是自速亡也然
南無我則莫能戰北有我亦不敢軼我而南
故正儀之爲背南嚮北之狀者是以其一身

橫塞南北間以存南而遏北也。賴之亦知其意。欲因以成前議。不然。何不遂究其南向之兵。而過十年乎。其被讒也。非曰其庇南乎。是以山名氏代之。疾南其鋒。而南不能支。正儀已失順之矣。不可與謀矣。是以復皆北嚮。南決意防戰。南朝之所以延殘喘十年者。豈非正儀歸順之効哉。及賴之再入。先斃向南之賊。後成還北之議。及南北迭立之約。違怒而起兵者。楠氏之遺孽也。是可以知正儀之卒非其素心矣。自古老成之謀。不合少年推鋒之論。而讒間入焉。終以被背叛之名者。多矣。如近世片桐且元之於大坂。可以見焉。正儀得非亦止元類也。嗚呼。使正儀而誠舍羽黨。強圖其富貴也。何以前此爲南朝百戰不辭。其徒勞。而至此忽降耶。又何以降於正平。而歸順於弘和耶。

二年。壬戌。北朝。永德二年。春閏正月左兵衛督楠正儀

與山名氏清戰平尾敗績。夏四月北朝主禪

位於皇子幹仁是為後小松帝。是歲山名氏

清悉略和泉紀伊獨吉野屬行宮。

三年。癸亥。北朝後小松帝。永德三年。足利義滿置僧錄司創

鹿苑院相國寺課諸國守護助役。

元中三年。丙寅。北朝。至德三年。足利義滿定禪寺五山

班位。

五年。戊辰。北朝。嘉慶二年。秋七月足利義滿巡遊南海

...

東海。

六年。已巳。北朝。康應元年。足利義滿西遊至嚴島。遂如

鎮西。舟遭風還。過讚岐。見細川賴之。尋還京

師。以其子賴元為執事。而決於賴之。

七年。庚午。北朝。明德元年。春。楠氏與山名島山戰河內

落合。敗還。

八年。辛未。北朝。明德二年。冬。山名氏清作亂。犯京師。足

利義滿討而破之。誅氏清。初。山名時氏為五州

守護。時氏死。子師義時。義略地。山陽。義理氏清

攻取南海。於是。山名氏所領。踰十州。世呼曰六

分一。時義二子。時熙氏。幸分襲。但馬伯耆。守護

師。義子滿幸與氏清。譜之。義滿。義滿乃遣二人。

攻時熙氏。幸走之。分與其地於二人。十月。時熙

氏。幸潛入京師。訴冤。請復邑。義滿欲見氏清。諭

旨。氏清不見。義滿怒。會滿幸有罪。罷其出雲守

護。復時熙氏。幸邑。滿幸往界浦。見氏清。勸舉兵

氏。清然之。十二月。滿幸舉丹波。義理以紀伊。並

應氏清。氏清進軍男山。小林某諫之。弗聽。義滿

日本書紀 卷之十四 賴氏

日本政記 卷之十四 賴山藏

會諸將議戰守避孰可。或舉尊氏義詮故事勸其避不聽。乃自陣一色詮範堀川第。令諸將陣內野。一軍陣東寺。為犄角。大內義弘為先鋒。戰最力。逆擊氏清。破斬之。小林某戰。死。細川賴元等亦擊滿幸走之。義理乞降不許。後滿幸被捕。殺。乃以山名氏地和泉紀伊賜於義弘。其餘盡分賞戰功諸將。獨氏幸所領如故而已。

賴襄曰。制馭天下。恩與威而已。恩懷之而威服之。相待而行。無恩則威不可以加。加之則怨我。無威則恩不可以施。施之則不德我。夫使之怨我。固不可。使之不德我。亦何以制馭之哉。足利氏之所以不能制馭天下者。無威而施恩也。夫足利尊氏非有智勇過人也。特因天下之厭王政而思武治。欲得一將種門望最高者。推戴之。各自分利耳。尊氏亦知之。是以割土地。頒金帛。務充其欲。惴惴然唯恐彼之舐望背我而去也。然背焉而去者。足相踵也。而不能禁也。既背復來。不問也。數背數

日本政記 卷之十四 賴山藏

來坐成強大不能割也。無佗。彼其初受封得
賜。怛以爲當然。而不以爲德。一有不僂於已。
掉臂而逝。饒使責而讓之。彼必曰。汝已叛其
君矣。何以禁吾叛汝哉。是尊氏義詮所以不
能責諸叛將也。然旣施之以恩。是我之恩也。
被我之恩。而叛於我。我罰之。而有辭。何所恤
乎。况彼之所恃以叛我者。土地也。甲兵也。皆
藉吾所予。用以反噬我。是可誅。無釋者矣。
是義滿之所以用戈於氏。清義弘而不疑也。

足利氏之威。於是始加天下矣。而後其恩能
使人德之。非復如前二世也。昔者唐氏姑息
藩鎮。叛將強臣。羅列天下。如不可措手者。至
於憲宗平一淮西。而諸鎮震懼。恩威並行。韓
愈稱其唯斷以成之。義滿雖不倫於憲宗。其
斷以成之一也。是故人主患不斷耳。苟有以
斷於中。何紛亂之不可治也。雖然欲斷之。必
先謀之。不謀而斷。其斷不可達。適足以損其
威耳。故貴於謀。謀必有所與者。義滿有細川

賴之與謀猶憲宗之有裴度所以能達其斷也尊氏任高師直如代宗之元載義詮籠佐佐木道譽如德宗之盧杞所與謀如此而惡乎斷。

九年。壬申。北朝。明德三年。夏五月。足利義滿令畠山義

深攻諸城。楠氏亡。冬十月。義滿使大內義弘

六角滿高來請和。曰。駕還授器。則兩統復立。如

故事。許之。二十八日。丙子。車駕發行宮。群臣戎

服。扈從。閏月二日。己卯。御大覺寺。義滿欲用來

降禮。遣使奏請。帝曰。朕欲用父子禮。相授。否

則寧以神器斃。不肯屈下。以辱祖宗也。滿高謂

義滿曰。神器在彼。彼即真天子。不可違也。

兩統分立五十餘年。至此而合矣。當其未合

孰爲正孰爲閏。或曰神器在南。南爲正。賴襄曰不然。夫神器之在南。宜也。儻使在北。北爲正乎。南之所以爲正者。不在神器之在焉。與否。夫後醍醐天皇爲祖宗復仇。雪王室之大耻。而猾賊再起。以其不僇於已也。爰有所擁立。成兩帝爭統之狀而已。成志於其間曰。吾非爭天下於天子。天子與天子爭也。天下之趨利無耻者。靡然服從。亦曰。吾仕北朝天子。非從足利氏也。不知其所仕者。乃足利氏之

所門生視之也。豐仁親王之立也。至當時民間曰。王無一戰之功。而將軍賜之帝位矣。夫如此。假使神器在於北。得謂之正乎。是以少有人心者。皆相率以就於南。公卿然。武人然。愚夫。氓隸亦然。而况於神器之靈乎。其不在於北。而在於南。宜也。祖宗之所誘爲也。天道也。而北人強詞求勝之。曰尊氏劍也。良基璽也。夫無劍無璽可矣。必以賊爲劍。以無耻無義之大臣爲璽。而謂之朝廷。是忠臣義士之

所以不欲立焉。非以其無劍無璽也。而其立於南朝。亦非以其存劍有璽也。夫南之俸祿。不如北之利也。其官爵。不如北之有權也。而相與共其艱難。折首殞躬。肝腦塗地。子孫殲於賊手。斯盡灰滅。而不肯背南而嚮北。有識之士。患之也。是以舉南北合一之議。欲以慰其心。而弭其禍也。抑後醍醐念祖宗濟民之心。不勝其樂位。伸欲之志。求成此志也。而使天下之忠臣義士公卿武人。愚夫氓隸。被此

禍於五十餘年間。祖宗終不右此也。是以終絕其胤。而神器歸於北朝。傳祚無窮。亦天不忘祖宗之德。而眷其裔孫也。及至於此。何必論彼此哉。自天興祖宗視之一也。而足利氏猶曰。此吾家所立也。彼仇之者也。世之無識者。又追斥南朝。呼其忠臣義士為國賊。顛倒是非如此。不知忠於南朝者。非特忠於南朝也。忠於祖宗也。微此輩。足利氏不肯顧公議。以戴皇族也。則此輩謂之忠於北朝亦可也。

足利氏滅而皇統儼在天下之心莫不仰嚮而神器奠安於千載此輩亦可以瞑矣襄故曰祖宗之意天人之心之所嚮為正統正統所在神器歸之非神器所在正統歸之

或謂賴襄曰子之論正統似也抑子非亦北朝之臣子乎何不諱曰何居子所謂北朝安在曰今朝廷是矣襄曰於戲今朝廷者神武以還大一統之朝廷也何以曰北曰北者延元元中間天子南遷而賊臣私立君當是時

南則正北則偽事南者榮事北者辱故不得不別其稱也巳而天悔其禍祖宗諺其衷講和議成南北混一矣夫以後龜山之瓊尾流離其授神器也不肯從降式必用父子禮足利義滿之兇威而不能奪也於是後小松始傳器受禪尊後龜山為太上天皇事懿禮善足以盪滌前此分派之陋上承列聖之統而下顯示後世蓋天與祖宗實佑之非足利氏之所能為也雖其後內有紛紜而天命大定

日本此語

卷之十四

十四

辨正補版

以至於今。賊臣之蟠據輦轂。濁亂朝廷。百餘
 年者。畢伏誅竄。朝廷復其清明。大其一統。如
 日月再中天。而山河皆明也。而何苦猶汚其
 口吻。曰北曰北耶。夫曰北則見其為足利氏
 之門生。而以小朝廷自處也。此非臣子之當
 諱者哉。今夫執童孺問之曰。汝義貞正成徒
 也。則欣然喜。曰汝尊氏屬也。則艴然怒。今自
 稱北朝。則勢必以足利為定策國老。而以新
 田憐為賊。甘背天下人心。萃萬眾唾罵。何哉。
 夫天與祖宗。既已授之升於天矣。而不欲就。
 以冢中枯骨介意。而猶陷厠溷糞穢之中。終
 古不肯洗滌。是所謂自賊賊其君者也。余則
 不敢乃臣子之心已。此義不明。則萬世之後。
 天地再變。復有姦雄如足利氏者。擁立其所
 私。僞則今之自稱北朝。臣子者。將肯率從之。
 是亦生一北朝也。吾懼為不可以不辨。

日本文記

卷之十四

十五

辨氏賊版

日本正統
卷之十四
東上

後少松天皇

諱幹仁。後伏見。長子。每通。陽門院。藤原

氏內大臣公忠之女。位元五。曰至德。嘉慶。康應。明德。應永。禪位。

皇太子。後二十二年崩。壽五十七。葬泉涌寺。

冬。閏十月五日。天皇受神器於後龜山天皇。嗣

其位。藤原師嗣為關白如故。十一月。宴於禁

中。留十餘日。還御大覺寺。尋上尊號太上天皇。

十二月。征夷大將軍義滿為左大臣。是歲

相摸守細川賴之卒。義滿問其所欲言。曰。臣每

憂山名氏強大為後患。今已誅鋤。臣可以瞑矣。

日本正統
卷之十四
後小松
前氏義

復何言哉。義滿恠惜，親臨送葬。時論避之。

明德四年癸酉夏四月，後圓融上皇崩。

應永元年甲戌冬十一月，關白師嗣罷，以左大臣

藤原經嗣為關白。十二月，征夷大將軍義滿

奏請讓職於子義持，以義滿為太政大臣。義滿

請太政大臣朝議謂：平相國以還，武家無昇此

官者。義滿怒曰：天子我家所立，而不我聽，則廢

而自立，以細川畠山為攝家清華，誰能禁我朝

廷懼許之。

二年乙亥夏六月，義滿辭太政大臣，削髮曰道義。

四年，山義滿營別業北山，起金閣，徙居焉。稱北

山殿。又造一殿禁內，每朝就取安稱小御所。每

造朝，公卿皆下階拜跪，嘗遊叡山，擬上皇行幸

儀。

五年丙寅春正月，崇光上皇崩。三月，關白經嗣

罷，以前關白師嗣為關白。冬十一月，鎌倉管

領足利氏滿卒。子滿兼嗣為管領。

六年丁卯夏，師嗣罷，以經嗣為關白。冬十月，大



日本正言 卷之四十一 賴山陰傳
內義弘作亂。舉周防長門兵。東據界城。土岐詮直。山名時清等。應之。前大將軍義滿出軍。男山遣畠山基國。細川賴元。斯波義將等。將兵三萬討之。十二月。諸將攻拔城。斬義弘。詮直。時清等皆平。初。今川貞世鎮筑紫。威惠並行。義弘說之曰。方今自強者興。守節者替。公宜與我及大友。兵連結。以自強。貞世不聽。義弘慙恨。反譖貞世有叛心。義滿頗惑之。召還貞世。之其國。達江。義弘代。乃日強。是時。鎌倉管領滿兼嗣立。凡

事准擬 師自稱將軍。第曰御所執事。稱管領。

義滿遣使謂之。不服。遂有異圖。義弘潛通使合。謀欲東西來攻京師。滿兼又陰招貞世。貞世封其書上義滿。及義弘。東上滿兼。亦出軍武藏府。聲言援京師。義滿諜知之。欲討之。上杉朝宗。百方講和。乃授以足利莊。凡與謀者。釋不問。事乃寢。此役或勸義弘。及四方兵未聚。急攻京師。義弘曰。山名氏清。唯長驅自疲其兵耳。乃大修城。塹然終敗。及亂。義滿召貞世曰。吾甚愧見卿也。

日本正言 卷之四十一 賴山陰傳

又欲用以鎮筑紫辭焉。或譜其通鎌倉。貞世懼
 還遠江事得白。又召至京師待之如初。貞世父
 範國為駿河遠江守護。長子範氏早死。貞世為
 嗣。及父卒不肯立。立兄子氏家。傳兄孫泰範。細
 川賴之以是其賢。薦為彈代。義滿使泰範割
 駿河與貞世。泰範意貞世所請。故與義弘俱譜
 之。至是以貞世養子為遠江守護。

賴襄曰。吾既論足利義滿善用威。非如其父
 祖之有恩無威也。雖然。猶指其善於用威而

不善於恩耳。義滿之用威。其最大者。曰誅
 氏清之叛也。曰夷義弘之亂也。可謂武矣。而
 何如不使其叛且亂乎。使其叛且亂者。義滿
 所致乎。曰然。夫山名氏數叛於尊氏。義隆之
 世。每叛有所侵略。既服。因而有之。是以至有
 海內六分之一。義滿不行割讓。而又加河內
 紀伊。是氏清所以能叛也。幸而其子弟分領
 其國。其勢不合。義滿因得施誅鋤之計。否則
 難制也。其於大內氏亦然。大內弘世乘亂擅

日本政記 卷之十四 十六 義氏藏版

日本政記卷之十四 十九 賴氏藏

有周防長門之地。賂於義詮左右。得授二州
守護。又加以石州。既已強大矣。至於義弘。又
譖今川貞世。得代其任。經略鎮西。故又加筑
前。及賞誅氏清戰功。又加和泉紀伊。是義弘
所以能作亂也。夫義弘雖雄跨西道。不得紀
泉。何以能作亂畿甸哉。雖然。作亂畿甸。在義
弘為失計矣。義弘嘗欲與大友今川二氏連
結。以謀跋扈。今川氏不肯而止。使果如其計。
則義滿夷之。必費歲月。不能如後界城之速

也。泉舉兵畿甸乎。亦舉之於義滿薨後。則義
持之不武。何以制之。是亦義弘之失計也。義
弘之失計。義滿之幸也。然則義滿之能誅夷
二氏。雖由其武。抑亦有幸焉。誅夷之不可必
也。而其叛且畿。可必。養之使能叛亂也。故曰。
雖善於用威。而不善於用恩。義滿罵義弘曰。
豐子恃其強大。不知迺公使。然則義滿亦自
知之矣。而為之何哉。豈未免襲父祖之遺習
耶。或曰。加授泉紀於二人者。圖南朝也。猶近

日本政記卷之十四 十九 賴氏藏

時織田信長之使諸將各取敵地以自封也
襄曰譬之使鷹信長縱其饑者爾義滿則縱
既飽者彼寧肯爲我趨搏哉將反搏我耳

八年辛巳義滿遣使通好於明參議菅原秀長作
書辭甚恭

九年壬午明主允收使來封義滿爲日本國王義
滿受之

十三年丙戌明主棣使來義滿厚贈謝之

十五年戊子夏四月關白經嗣罷以左大臣藤原

忠嗣爲關白五月前征夷大將軍大相國義

滿薨年五十一敕贈太上皇號義持辭不受

十六年己丑鎌倉管領滿兼卒子持氏嗣爲管領

十九年壬子秋八月。天皇禪位於皇子實仁親王。諸南朝遺臣請立後龜山帝。後如約不聽。於是南朝餘孽所在起兵。尋皆平。

稱光天皇諱實仁。初名躬仁。後小松長子。母光範門院。藤原氏。贈左大臣。

曰野資國女。在位十六年。改元一。曰正長。崩。壽二十七。葬泉涌寺。

八月。天皇受禪。時年十二。尊先帝曰太上天皇。聽政院中。藤原教經為關白。

二十一年甲午冬十二月。天皇即位於太政官廳。

二十三年丙申鎌倉管領持氏器其執事。上杉氏

憲以上杉憲基代之。氏憲憲房之後。世居山内。

憲基。憲房兄。憲顯之後。世居扇谷。復為執事。稱

兩上杉。持氏與氏憲有隙。奪其權。冬十一月。氏

憲奉持氏弟持仲作亂。攻持氏。持氏奔駿河。依

今川氏。

二十四年丁酉春正月。義持令關東諸將援持氏。

攻復鎌倉。誅持仲氏憲。

二十五年戊戌春正月。大將軍義持殺其弟大納

言義嗣。初義滿愛義嗣。請超遷其官爵。居北山

...

第勢威出義持右。及鎌倉事起。與氏憲通謀。將襲幕府。事覺。遣兵圍之。削髮出。至是獲殺之。賴襄曰。足利氏之所以能得天下者。由其多割土壤。與諸將不恠。而所以不能治天下者。亦由於此。尊氏義詮創業於南朝未衰之時。勢不能不然。至於義滿。天下戴足利氏之久。而南國日蹙。又能戡內亂。威令大振。不乘此時以裁制之。而仍襲父祖之遺習。動輒舉數州。加授將帥。賞而授之。猶可也。又有貶而授之者。豈姑息以希無事乎。抑欲驕而斃之乎。可謂無術者矣。而何以治天下。異時嘉吉應仁之禍。已胚胎於此。不可不察也。夫治天下。譬若縛薪。薪大而少。不若小而多之。易縛束也。故縛薪者。逢其大而難縛者。析而小之。治天下者。逢諸侯之大者。亦析而小之。然後可使聽我約束。足利氏不知此術。且乎其不能治天下也。其於將帥。旣然於宗族亦然。尊氏之封少子以八州。強大其力。以制敵國。而鎮

之者。豈姑息以希無事乎。抑欲驕而斃之乎。可謂無術者矣。而何以治天下。異時嘉吉應仁之禍。已胚胎於此。不可不察也。夫治天下。譬若縛薪。薪大而少。不若小而多之。易縛束也。故縛薪者。逢其大而難縛者。析而小之。治天下者。逢諸侯之大者。亦析而小之。然後可使聽我約束。足利氏不知此術。且乎其不能治天下也。其於將帥。旣然於宗族亦然。尊氏之封少子以八州。強大其力。以制敵國。而鎮



壓諸將亦不得不然之勢也。而其後恃其強大。每有圖宗家之意。將帥懷異者。亦翼戴之。為名足以煽衆心。義滿不能究。纔賴其宰臣調停之。輒有所加恩。既加足利莊。又加陸奧出羽。或出彼之請。不能拒邪。不然八州已為天下勁兵處。而加以奧羽。其大極矣。不唯不能殺之。乃豐之。如此將何以制之。夫宗族之封。父祖之所授。不得無故殺之。固也。然大內之亂。關東黨援之。已有明證。加之讓削。我豈

無辭怨而叛焉。彼曲我直。異日義教之舉。固義滿所優為也。既克改立。其胤誰曰不可。即不能然乎。所謂析而小之。不為無術也。論者推思。封其庶孽。以分其勢。是賈生主父之所。以策漢也。夫人情莫不愛其子。而子非一人。全傳一子。不若分傳數子之樂也。因彼之所樂。以施我術。何難為之有。而義滿不為也。不特不為之於其宗族。亦不為之於其家何者。義滿愛少子。義嗣崇高其位望。而不為之所。

是以招義持之猜嫌夫封建海內宗族臣隸
之邑各跨數州而已之子弟無尺土之安可
不調偵也義滿何不以其所加予鎌倉者以
予義嗣乎則可以制鎌倉而絕宗府之嫌矣
是一舉而兩得者也誰憚而不為之或以明
德應永兩役之所沒叔不以盡予諸將而以
封子弟使大牙相制亦不必忤物情不知出
於此乃使義嗣歿於義持之手義持亦懲於
此盡僧其諸子是以有還俗之將軍關東不

服至稱兵相圖幸而得克失其藩維足利氏
益孤立而其臣隸益無忌憚各憑強大以相
噬攫而不可制以至失其天下豈非不知術
之過哉賴襄曰不獨足利氏也豐臣氏之所
以得天下而旋失之如此

日本書紀
卷之二十四
三十一
賴襄

二十七年。庚秋。義持有疾。或告咒詛事。醫卜徒獲罪處流。朝臣亦有坐廢黜者。

三十年。癸卯。春二月。義持辭征夷大將軍。詔以其子義量襲職。義持雉髮利道詮。

三十一年。甲辰。夏四月。前太上天皇崩。後龜山

三十二年。乙巳。春二月。征夷大將軍義量薨。前大將軍義持再視事。

三十四年。丁未。冬十月。赤松滿祐據其邑稱兵。前大將軍義持遣諸將討之。不發。十二月。赤松持

貞自殺。赦滿祐入京師。持貞滿祐族也。有寵於義持。爭邑相訴。義持庇持貞。滿祐怒。自焚其第。奔歸播磨。遺諸將討之。諸將素疾持貞。連署訴之。請赦滿祐。義持不得已。許之。持貞自殺。召還滿祐。

正長元年。春正月。前征夷大將軍義持薨。初。義持徵義嗣。悉使諸弟為僧。及義量早世無子。眾議立鎌倉管領持氏。持氏聞喜之。管領畠山滿家探籌石清水祠。得義圓。義圓時為青蓮院

僧。正義持同母弟也。即迎入室。町改名義宣。後改義教。即日叙爵。秋七月。天皇崩。上皇議立崇光帝。曾孫彥仁親王。初崇光南遷。後光嚴以弟立。傳至帝。崇光子孫退居伏見。至是得出。受統後龜山皇子奠立。不得。怒奔伊勢。明年。北畠氏越智氏奉之起兵。足利氏擊平之。以皇子歸置之嵯峨。

後花園天皇

諱彥仁。後伏見五世孫。北朝崇光曾孫。父曰貞成親王。母

敷政門院源氏。明正大臣經有女。在位三十六年。改元八日。永享嘉吉。大安寶

日本政記 卷之十四 辛未 賴氏藏板

德。亨德。康正。長祿。寬正。禪位皇太子。後六年崩。壽五十二。葬泉涌寺。

七月。天皇踐祚。甫十歲。關白藤原持基攝政。

上天皇。後小松。聽政院中。

永享元年。己酉。春三月。以足利義教為征夷大將。

軍。以正長號於將家為凶。奏改元。鎌倉猶用正

長號。

二年。庚戌。徙筑紫豪族於京師。

三年。辛亥。春三月。太上天皇落飾。稱法皇。是歲

大將軍義教遊伊勢。紀伊。制置南朝遺族。

四年。壬子。秋。義教遊駿河。訛觀富士山實何察

倉也。

五年。癸丑。冬十月。法皇崩。葬後小松天皇。是

歲。義教遣使於明。明使與我使借來。

七年。卯秋。八月。叡山僧徒有訴。入京師。幕府遣

兵防却之。

十年。戊午。秋九月。鎌倉管領持氏逐其執事。於

憲實于上野。冬十月。大將軍義教下教關東。

發兵助憲實擊持氏。十一月。執持氏囚于永

長。發

安寺。

日本此言卷之十四
上杉憲直
東初持氏異將軍不得居堂憤憤曰吾何屈遂
俗將軍哉憲實驟諫弗聽上杉憲直一色直兼
因諸憲實持氏令二人徵兵兵多屬意憲實不
爲持氏用持氏不得已自造山内面諭憲實歸
罪憲直憲直逃藤澤事乃釋持氏冠其子賢王
故事鎌倉管領子元服必受將軍偏諱持氏不
屑之名曰義久諸將皆賀憲實不賀出奔上野

訴之京師義教以故上杉氏憲二子持房教起
爲大將分道東伐與憲實合關東將士多應憲
實者持氏立其子義久使三浦時高輔之守鎌
倉自軍武藏當教朝憲實遣上杉憲直防持房
持房大破憲直于早川尻進逼鎌倉三浦時高
叛通京軍執義久諸軍合圍持氏持氏兵散亡
窮蹙欲自殺憲實遣使止之諭諸將解圍持氏
削髮徙永安寺憲實歸罪憲直直兼誅之馳復
京師請宥持氏死弗聽至是使諸將逼持氏自

日本此言

卷之十四

上杉憲直

東初持氏

上本此語一
殺命憲實爲管領憲實固辭使弟清方嗣家居
山內自削髮退居伊豆國清寺。

賴襄曰足利氏開軍府于京師而置宗藩
鎌倉鎌倉之有上杉氏猶京府之有細川氏
也皆有輔佐之功而亦有逼犯之禍細川猶
有畠山斯波之僚足以相制至於上杉獨任
世襲如二君焉焉得無禍哉然賴其分爲兩
家更任執事是以爲之上者得以暫安耳而
京府則利其危也如尊氏自封其子無論也

自義詮義滿族屬漸疏每與鎌倉相圖故
上杉氏以制之而上杉氏亦援京府以爲
君臣之際常有嫌隙爲將軍者以爲是彼之
不利而我之利也獨上杉氏憲之叛持氏也
將軍義持不援氏憲右持氏何也氏憲之黨
有義嗣義嗣者義持之弟其所深忌也故右
持氏除氏憲其心私也而其跡則公矣是以
服關東將士之心及義教之繼爲將軍持氏
亦與執事憲實有隙則有憲實以斃持氏蓋

義教也
卷之二
續義教

義持無嗣。持氏興立。而義教脫僧服登壇。故其心不服。憲實以爲口實。許之義教。中其所忌。以得其援。義教之意。必曰。吾乘此時。斃而滅之。父祖之所欲爲。而未能也。而吾能之。其實非義教能斃持氏也。持氏自斃於強臣之計也。而義教右臣滅君。何以服將士之心哉。是以如結城氏朝者。奉持氏之孤起兵。亦命憲實平之。非憲實肯循義教令也。自除其患也。其後將士再求遺孤爲主。而上杉氏更戴

將軍之子。將士仍不之將軍之子。而之管領之子者。可以見人心也。故治天下者。常從人心所嚮。以成其事。事成而天下仰吾權。不從人心所嚮者。雖克於一時。而未久而壞壞。則我權廢矣。觀義持義教之所爲。不其然乎。爲義教計者。縱使不右持氏。攻而囚之。更立其子。或析其封。以傳數子。誦憲實之不臣。伏以衆望所屬。則一處置。而關東之心。盡悅服。自是以往。廢置鎌倉君相。其盡歸於京府。惜

乎義教之不足以語此也。義教已夷，鎌倉自
以為無復足患者矣。愈益矜驕，以致將帥之
不服。嘉吉之禍，應仁之亂，相因而作。子孫
為細川氏之所弱，雖擁空名於上，而與鎌倉
奚異哉。

十二年。春正月。結城氏朝奉故管領持氏遺
孤春王安王起兵。討上杉氏。秋七月。上杉憲實
以大將軍義教令率諸軍攻之。

嘉吉元年。夏四月。結城城陷。獲春王安王。氏
朝舉族死之。五月。大將軍義教殺其弟義照。
義照為大覺寺僧正。與後龜山皇子親善。聞關
東兵亂。勸皇子乘是時以遂夙志。密遣人約
池氏起兵。竊自蓄髮。事覺。逃匿。竟被捕殺。
早林松滿祐弑大將軍義教。據其邑。秋八月。

日本書紀卷之...

詔以義教子義勝襲職遣諸將討滿祐山名持
 豐與族教之教清先進九月攻滿祐白旗賊誅
 滿祐持豐等盡領赤松氏地初滿祐族曰貞村
 自叔父持貞與滿祐相隙義教籠貞村每事抑
 制滿祐遂欲割滿祐所領與貞村滿祐積怨因
 饗義教其第弑之奔播磨管領細川持之與畠
 山持國議立義勝生八歲細川持常受征討命
 以與滿祐有姻逗留不進滿祐逆擊蟹坂大破
 之已而持豐破美作而入遂滅赤松氏持豐時

熙孫也滿祐兄子教祐逃依少貳嘉賴幕府令
 大內教世討嘉賴破而走之盡并其地山名氏
 大內氏復興

叛逆罪也逆至於弑大罪也故行弑逆者不
 論而可論遭弑逆者之所以速之足利義
 教之所以遭弑者安在在其待將帥無恩意
 耶驕而不加禮矣信讒殺之矣使人人謂
 雖無赤松滿祐而恐不免焉賴襄曰是所謂
 知其二未知其一也二也何也曰威權不立

也。義教之速此禍也。非以恃其威權太盛乎。如近時織田信長之遭弑焉爾。曰信長則然。義教則不然也。義教自以為威權已立為可恃也。不知足利氏之威權不立。非一世也。而恃之而不加恩意於其臣。所以速此禍也。夫恩意與威權不可闕一。而義教則兩無之。何以保其臣之不叛逆哉。夫人臣所以戴其君。以其有威可畏。有恩可愛。愛而畏之。是以無凌犯之禍。不然行道之人耳。何所不至。雖然

唯可畏也。而後可愛。可愛而不可畏。則其可愛者終不久矣。今夫妻之於夫。亦猶臣之於君也。以義合者也。愛而不合。以全其夫妻。人知之。不知非有所畏。則不可以全也。不畏則怙。怙則輕之。輕之之至。心嚮於外。而疾視其夫。甚則陰斃之。以從其所私者。若非初不愛其夫者。也不畏之者也。足利氏之將帥皆如嬌婦。不畏其夫也。數叛而不禁。猶婦之數奪其夫。旋歸其家。是以輕之益甚。加以怨隙。

北政訓 卷之四 三十一 東山齋

視日咆怒不足恠也。如滿祐者其尤者已。初
義滿之世威令稍振。諸將莫不敢戴土者。而
義持庸懦。幸時無事。優游宴晏。罷亦松持貞。
滿祐與之訴而不得直。怒焚其第。聽邑而叛。
下教討之。而諸將不肯往。連署乞赦。滿祐不
得已而聽之。足利氏之威權於是乎不足畏
也。則滿祐之目。無將軍久矣。而義教則以為
畏已。遇之無狀。至殺其女而不恤。復致其怨
叛。幸而克降之。復赦而近之。滿祐憤然填胸。

而義教不以為意。曰。大權在我。彼無奈我何
也。於是亦庇持貞之從子。欲諭滿祐割戶之
邑為滿祐者。何肯坐受其命哉。嚮叛焉。良我
能誅也。今秋焉。誰能禁我是。其所以取割及
於其君之腹也。諸將雖赴討。亦怙前役逗撓
不進。但山名持豐欲復興其家。故功攻耳。其
餘意皆在於縱賊。寧肯感奮進擊。必於復君
仇乎。故足利氏之臣。唯無畏其君之意。是以
無愛君之心。故曰。威速不立也。然則威權

北政訓 卷之四 三十一 東山齋

政論
卷之五
所以立不立者何哉。曰：所行公則立，所行私則不立。如義持義教行小私也，如尊氏行大私也。足利氏之大私成於赤松氏，故禍先發於赤松氏。天也。足利氏或縱其臣之叛逆，而天則必不赦足利氏之叛逆。

二年壬戌冬十一月義勝加元服任征夷大將軍

畠山持國爲管領

三年癸亥秋七月義勝墜馬薨管領持國議立義

勝母弟義成生八歲後改名義政九月南朝

遺臣藤原有光資親楠次郎等奉後龜山帝皇

子爲玉稱中興宮夜入禁內奪神器遣兵追擊

獲神鏡寶劍

文安元年甲子秋八月有光資親助南朝皇太子擁

神鷹據叡山大和紀伊河內兵並起應之管領

神鷹據叡山

大和紀伊河內兵

並起應之管領

鳥山持國說山徒為內應皇子自殺有光資親次郎等歿之諸國應者皆平

二年丑冬十一月關白持基薨以左大臣藤原房嗣為關白細川勝元為管領是歲關東

將士請立故管領持氏季子成氏為鎌倉管領上杉憲忠執事憲忠憲貫子

四年卯夏六月房嗣罷以太政大臣藤原兼良為關白冬十一月鳥山氏兵攻敗紀伊兵殺

南朝皇孫傳首京師皇孫後村上皇子泰成之子先是楠次郎弟基奉之起兵依紀伊湯淺城

至是遇害基歿之寶德元年壬夏四月義政加元服任征夷大將軍是歲鳥山持國再為管領

享德元年壬冬十月細川勝元再為管領二年癸夏四月兼良罷右大臣藤原持通為關

白三年甲春令士民不辦負債稱平均德政秋七月持通罷左大臣藤原長平為關白八月

日本文獻記 卷之十四 三十一 賴氏藏版

日本文獻記 卷之十四 三十一 賴氏藏版

盜焚島山持國第。初持國老，削髮曰德本，擁立二將軍，爵至三位，得乘綱代輿，負功專橫其家。臣多爲不法。公卿將士皆諂事之。獨山不持豐，勢不相下。細川勝元娶持豐女，相比與德本抗。德本無子，養弟持富于政長爲嗣。已而生義就，義就母日短政長。其母乃與醫卜謀，佯爲狂病。卜者曰：必有近親咒詛者。德本意政長所爲是。歲夏四月，德本立義就爲嗣，欲殺政長。政長逃依勝元。勝元持豐援政長。島山氏家臣皆從。

之已而德本第火，德本逃入族，兩則家義就奔河內。依家宰游佐基。德本使人謝勝元，復立政長自屏居。建仁寺勝元乃以政長乞謁幕府。幕議知火島山氏第者，勝元持豐所爲。勝元歸罪家臣磯屋基，斬之以說。持豐又因勝元謝，退居但馬。事乃釋。冬十二月，鎌倉管領成氏殺其執事杉憲忠，奔古河。成氏已長，怨上杉氏殺其父，與故結城氏朝子成朝謀殺憲忠。家宰長尾景春等立憲忠弟房親，兵攻成氏。成氏奔房。

日本後也 卷之七 三十八 鎮代成氏

日本通記 卷之十四 藤原朝比呂麻呂
顯入鎌倉自稱管領

康正元年乙亥夏五月以赤松則尚為播磨守護
山名持豐攻則尚殺之先是畠山德本以赤松
氏不可絕祀赤松滿則子則重不與嘉吉之逆
因立則重邑於播磨持豐怒曰吾以功受封豈
容賊徒遺種發兵殺則重則尚殺則重弟也細川
成之請而立之赴播磨乘持豐之器譴退居也
亦為持豐所擊殺 六月房平罷持通再任關
白

長祿二年戊寅秋八月先是中興宮之遇害也兩
人復立其子擁神璽居吉野山中赤松氏遺臣
石見其等往伴事刺殺之奪璽還京請立赤松
氏後以赤松政則為加賀守護使石見率舊臣
奉之持豐又使盜刺殺石見持豐削髮曰宗全
為人面色赤人呼曰赤人道 冬十二月藤原
教房為關白

寬正二年辛巳冬十月大將軍義政遣其弟政知
居伊豆先是兩上杉氏與足利成氏連年有兵
中興宮也

關東大亂因請得主奉以知於堀越稱
所然關東將士多歸心成氏

四年癸未先是畠山義就奔河內畠山政長攻之

不克義政兩和解之共入京師已而義就忤旨

後奔河內細川勝元遣兵援政長攻陷若江金

胎寺二城圍義就於岳山義就並子累年不下

是歲岳山陷義就逃入高野持邊復任關白

五年甲申秋七月天皇禪位於皇子成仁親王

是歲大將軍義政奏以其弟義視為嗣在左馬

頭叙從五位下居八山川第細川勝元管領初


義政娶藤原重政女曰富子無子弟義尋為僧

尤淨土寺門主義政欲養為嗣義尋恐其有渝

辭義政曰吾後有子櫛櫛為僧誓不渝也義尋

乃蓄髮改名義視





南政
庫

西日
印

南政
西日
南政
西日
南政
西日

庫	文	閣	内
三 九 函		一 〇 三 九	和 書
二 架	八 冊	一 號	類